



INATSISARTUNI

Partii Inuit
Randi Broberg

UPA 2014/110-1

8.4.2014

Raajarniarnermi qalunut ristit atorpeqartartut susassaqartut peqatigalugit nalilersuiffiqqullugit Naalakkersuisut peqquneqarnissaannik Inatsisartut aalajangiiffigisassaattut siunnersuut. Tassani raajarniarnerup inuussutissarsiutaanerata pitsannorsarnissaa piujuaannartitsinerlu ataavartumik ingerlanneqarnissaa siunertaallutik.

(Inatsisartunut ilaasortaq Saxtorph Didriksen, Siumut)

Raajarniarnermi qalunut ristit atorpeqartartut susassaqartut peqatigalugit nalilersuiffiqqullugit Naalakkersuisut peqquneqarnissaannik Inatsisartut aalajangiiffigisassaattut Saxdorph Didriksen-ip (siumut) siunnersutaa Partii Inuit naattumik taperserlugu ima oqaaseqassaagut:

Raajarniarnermi qalunut ristit pillugit ersarissumik qulaajaasoqarnissaa pingaaruteqartorujussuuvoq; minnerunngittumik atuisuit misilittagaat ullullu tamarluinnangajaasa raajartamik angisuut qaluniik aniasarnerat qanoq annertutiginersoq ilanngullugu qulaajaaffigineqarnissaa aamma Partii Inuit tusagaqarfigissallutigu assut soqutigivarput.

Partii Inuit isumaqarpugut piujuaannartitsinissaq eqqarsaatingalugu minnerpaamilluunniit akornutaanngittumik sinerissap qanittuani aqqissuussisoqarsinnaanera aalisartunut pittaanerpaamik malitseqarsinnaasoq.

Partii Inuit pingaartilluinnarlugu atuisut tassalu aalisartut ataqqinartut ilisimasaqarluartullu ataasiakkaat ilisimasaat tusarniarpavut.

Inatsisartunut ilaasortaq Saxdorph Didriksennip oqariartuutaata pingaaruteqartup sukumiisumik nalilersuiviginissaa pingaaruteqartorujussuuvoq, taamaattumik itingartiinnarnagu politikikkut aaliagersaasartuugusugut ersarissumik paasissutissiivigineqarnissarput qularnaarniassallugu pisussaasariaqarpugut.

Matumanili sinerissap qanittuani aalisartut nalunngilluarpaat raajaqarluartillugu raajat akuittut ajornaquteqanngittumik kilisanneqarluarsinnaasut annertussuseq pineqartoq tassalu qalut aqajaruanut raajat isaaviisa ammanerata annertussusia 22 milimeteriusoq ajornaqutissaqanngittumik 30 milimeterimut iluarsineqarsinnaappat pittaalluinnartumik raajat angisuut aniatinnarnagit kilisanneqarluarsinnaasasut. Taamaattoq qalut ristii raajat



INATSIARTUNI

kilisanneqarnerminni kusanassusaannut pingaaruteqarluinnartut akornusinnikkaluarlugit sinerissap qanittuani taamatut aaqqiisoqarsinnaappat pitsaanerpaassasoq Partii Inuit kaammattuutingalugu, tunngaviatigut naalakkersuisut peqquneqarnissaannik inatsisartunut ilaasortap aaliagiiffigisassatut siunnersuutaa tamakkiisumik tapersorsorparput.